

# QVÆSTIO MEDICA,

QVODLIBETARIIS DISPUTATIONIBVS

MANE DISCVTIENDA IN SCHOLIS MEDICORVM,

Die Iovis, XXIIV. mensis Ianuarii,

M. IO. COMPLAINVILLE

DOCTORE MEDICO, MODERATORE.

*Dantur in Medicina Qualitates Occultæ?*



VNDVS vnus momento creatus, incorruptibilis, Cælum licet corruptibile, quæ suo sinu contenta fovet, conspicienda præbet, Dei, vel dæmonis, Naturæ vel artis opera sunt, Naturam formarum beneficio, potentiarum naturalium, qualitatum activarum ab elementorum formis distinctarum, temperamenti, quod *vis* merito negant, sua obire munia certo certius est: hæc sensu, ratione, experienciâ, singulis vel omnibus explicantur: illæ nullâ viâ in cognitionem deveniunt nostram? has Medicus artis non *separat* minister, vt Naturæ, ludos facit: illis vitur potissimum, vitæ sustinendæ, sanitati servandæ restituendæ: vt in his, sic in alimentis & medicamentis occultum nihil.

VITA nativi caloris, ab elementari malè distincti, in humido non reparabili permansio est, cuius *obscuro* & *periculosus* notæ sunt causæ: sanitatis, nonne & morbi *equales*, ratio sensibilis: illius in temperie, vniâ qualitate ex activis, pluribus, proportionē, harmoniâ, minimè definienda, in legitima partium compositione, naturali earundem vnione essentia tota posita est: huius, in eorum recessu à statu naturæ, qui morborum genus triplex constituit, simile, organicum, malè dissimulare dictum, commune: lubens non audio quos similis nomine, materiæ ac formæ morbos intelligere novi, quamvis qui dicuntur totius substantiæ, morbos admittamus: nobis actionum corporis omnium vnica causa est ipsius *diablos*, suis innotescens signis: huius immoderatione solâ cerebrum cæterarum partium finem, Cor, appetitus concupiscibilis vt irascibilis sedem, Hepar, à quo &

A ij

ab illis aliquam in subsidium aliarum partium proficisci facultatem cave dicas, opera Naturae minus consentanea edere: eaque extrema, nec alio, statim functiones omnimodè intercipi neminem latet.

**L**VIS Veneret naturam à seminum diversi hominum generis corruptione repetendam esse nulli nisi cui congenita mentis impotentia, dubium esse potest: similiter Elephantiasis, Scorbutus Hippocrati non ignotus, rabies, veneo affecti, assumpto vel inflictio, sui causam non aliam, quam potentem humorum corruptelam sua symptomatum specie palam omnibus faciunt: qui pestilentes febres, variolas, morbillos cum cæteris febribus ortum habere à putredine, nempe ex immoderatione aeris contracta, vel ex pravo victu inducta negaverit, ipsum suos falsitatis sensus arguere prius oportet: Epilepsia, quam quo jure sacram vocent, ipsique Deo vota nuncupent, scire parum refert, author est humor crassus, viscidus, cerebri ventriculos levius infarciens, atque opplens: An aura vel è pedis extremo ascendens ad cerebrum, Epilepsiamque committens, occulti quid præ se ferat? id quæ ratione fatendum, non video; sternutationem, quæ parva Epilepsia non immeritò dicitur, parere spiritum stimulantem nescius non sum: in tabe, quam invidos invissile, vel fascino inductam falsò clamat imperitum vulgus, plus occulti quam in cæteris reperiri non arbitramur: morbi mora longioris criminantur consultius ipsius radices altius infixas, causæ contumaciam, magnam virium infirmitatem, ægrotantis errores.

**A**LIMENTA, quæ lingua carne sua corpori sapit; naturam in qualitatum mixtura positam habent: inter hæc quæ alteri gratissima sunt, alterum averfari non mirum: singulis sua est & propria dispositio; tabescentibus, convalescentibus, affectis syncope succurritur non aliis quam quæ celeritate coctionis, succi bonitate, amico calore, temperiei contrarietate commendantur: ut medicamentorum alterantium, venenorum quæ vni parti sic & cæteris prosunt vel nocent: hæc & illa sensibili mutatione corpus afficiunt nostrum: non absimili ratione medicamenta à vi quæ pollent purgandi, dictæ *galienus*, humorum vacationem non electivè moliantur, à quibus, ut ab humoribus *zelius* tempore, lacessita Natura sese onere levat: his simplicioribusquàm-feliciter cedit ventibus, vel pluribus, sed in usum præsentem tam citò & facilè, quam iucundè miscendis parandisque? Omnium ferè purgantium quæ in Officinis composita servantur, virtus, correctivorum ad molem augendam & majus fastidium exhibendum dumtaxat facientium, congerie, mixtionis vetustate corrumpitur, languescit, ut plus damni sua qualitate, quam evacuatione utilitatis afferant.

**C**ANTHARIDES æquè cæteris partibus ac Vesicæ infensæ: non magis Pulmonibus quam reliquis bellum indixit lepus marinus, &c. Præoniâ, pulmonaciâ, hepaticâ, scolopendrio, & cæteris, partibus omnibus consultur: lui Veneret, cujus curatio ad chirurgorum tabernâs, malis ægri rebus relegata est, elephantiasi, scorbuto, & chronicis, feliciter medemur senâ,

agarico, rheo, quàm mercurio, & carnibus viperinis: bardanâ, iunipero, & aliis indigenis æquè bene ac sarzaparillâ & guajaco, quæ & scorbuticis non erunt inferiora: in rabiem, mare fœdinem commodat, præterea nihil: centaurium minus vitæ fugam quàm febrifugam verius dixeris: pesti, nunquam sine febre, præcavendâ vix unquam apta Theriaca, Mithridaticum, Alkermes: quæ percurandæ pestifera sunt, ut omnia quæ falsò dicta circumferuntur Sudorifica, & rubigine initio celebrata: Venæ sectio, quæque refrigerant & exsiccant, Antidotus tutissima: Variolas, morbillos lapide bezoardico, aquis stillatitiis nunquam cardiacis, lentium decocto impugmare, novum est & calamitosum. Eorum obtusior sensus hominis cranio, qui ipsum Epilepsia debellandâ vel minimum sufficere contendunt: Nulli prorsus affectui conferunt, ex auro, argento, fragmentis pretiosis, iuscula, potiones, confectiones, electuaria quantumvis sedulò parata, mera Arabum luxuries & barbarorum libido, Pharmacopœis opulenta, ægris lugenda & inutilenta supellex: Vnguenti armarii magicas vires contemnimus: Apagæ perversæ Paracelsi *arsena* & *quibus* turbæ, & aliorum decoctorum specifica omnia: quibus attexo, nullius efficaciæ verba, characteres, figuras, Epilepticorum annulos ex ungula Alces: ut & mercurium calamo inclusum, vel arsenicum panno involutum serices, collòque appensum pestis tempore: cætera *meia*, quæ contra morbos non plus valent, quàm olim adversus fascinum priapus, nequitiam moror. Mittamus circulatorum, fumivendulorum, tonforum, anicularum figmenta, improbas artes; medicamentum, quod abdita vi morbum vllum rescindat, non datur: nullum est quod morbos semper & quovis tempore sanet.

*Ergo non dantur in Medicina Qualitates Occultæ.*

Proponebat Lutetiæ IACOBVS MENTEL, Castrotheodor.  
Scholarum Archidiac. Anno R. S. H. M. DC. XXX.

DOMINI DOCTORES DISPUTAVRI.

M. Sebastianus Rainsant.	M. Cyprianus Hubant.	M. Mauricinus de Monstrail.
M. Petrus Guenaut.	M. Guido Patin.	M. Claudius de Pois.
M. Nicolam Brayer.	M. Iacobus Thebart.	M. Petrus le Conte.

*cette these est la 797<sup>e</sup> du Tome V.  
Du conseil de these, infolio.*